

Broj: 01-1022/104  
Dana: 23. 5. 2017. godine.

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

PARLAMENT FEDERACIJE BOSNE I HERCEGOVINE  
DOM NARODA  
n/r gospodin Izmir Hadžić, sekretar

Primljeno:	26-05-2017		
Org. jed.	Broj	Priloga	Vrijednost
05/2	- 02	- 205	112

PARLAMENT FEDERACIJE BOSNE I HERCEGOVINE  
DOM NARODA  
n/r gospodin Aner Žuljević, delegat

VLADA FEDERACIJE BiH  
n/r gospođa mr. sc. Edita Kalajdžić, sekretar Vlade

Predmet: Delegatsko pitanje delegata Doma naroda Parlamenta  
Federacije BiH gospodina Žuljević Anera, odgovor, dostavlja se.-

Veza: Akt sekretara Doma naroda Parlamenta FBiH broj: 05/2-02-205/17  
od 4. 5. 2017. godine i akt Vlade Federacije BiH broj: 03-05-572-5/17  
od 9.5.2017. godine.

Poštovani,

aktima veze, Federalnom ministarstvu unutrašnjih poslova dostavljeno je delegatsko pitanje, odnosno inicijativa gospodina Žuljević Anera, delegata u Domu naroda Parlamenta Federacije Bosne i Hercegovine, koje je postavljeno na 21. sjednici, a koje se odnosi na regulisanje pitanja upotrebe posebne opreme u saobraćaju na putevima, rotacionih i svjetala koja trepere.

Na navedeno postavljeno pitanje Federalno ministarstvo unutrašnjih poslova daje sljedeći odgovor:

Shodno Zakonu o osnovama sigurnosti saobraćaja na putevima u Bosni i Hercegovini („Službeni glasnik BiH, br.: 6/06, 75/06, 44/07, 84/09, 48/10, 18/13 i 8/17“), uređaji za davanje posebnih svjetlosnih znakova i zvučnih signala ugrađuju se i upotrebljavaju samo na vozilima koja su u pratnji policije ili vojnih lica, kao i na vozilima Hitne pomoći, vatrogasnim vozilima, vozilima policije i sudske policije, vojnim vozilima i vozilima Državne granične službe. Istim zakonom propisane su i kazne za kršenje i zloupotrebu zakonskih odredbi kojima su uređena navedena pitanja.

Obzirom da se pitanje odnosi na upotrebu službenih vozila na nivou Federacije Bosne i Hercegovine, nužno je naglasiti da se pratnja i zaštita ličnosti i objekata u Federaciji BiH vrši u skladu sa Uredbom o određivanju ličnosti i objekata u Federaciji Bosne i Hercegovine koji se posebno osiguravaju i način njihovog osiguranja, („Službene novine Federacije BiH, broj: 51/15“). Istom Uredbom, član 16., propisano



je vođenje evidencija o ličnostima i objektima koji se osiguravaju na nivou Federacije Bosne i Hercegovine i delegacijama i ličnostima koje borave u posjeti na području Federacije BiH.

Sektor uniformisane policije Federalne uprave policije shodno Memorandumu o saradnji, pružanju pomoći i međusobnoj koordinaciji poslova iz oblasti zaštite ličnosti i objekata, zajedno sa Agencijom za istrage i zaštitu Bosne i Hercegovine (SIPA), Direkcijom za koordinaciju policijskih tijela Bosne i Hercegovine i drugim policijskim agencijama Bosne i Hercegovine vrši pratnju stranih delegacija koje posjećuju Bosnu i Hercegovinu.

Poslovi posebnog osiguranja ličnosti i objekata na nivou kantona je u nadležnosti kantonalnih ministarstava unutrašnjih poslova.

S poštovanjem,

